

ASEM - Laat U Koninkryk Kom – U Wil Geskied

“Laat u koninkryk kom. Laat u wil geskied, soos in die hemel net so ook op die aarde.”

Matteus 6:10

ASEM

As ek nie asem haal nie, word ek blou. Soms gebeur iets onverwags en skielik besef ek: **ek moet asemhaal.**

Gebed is die plek waar my wil begin buig sodat ek God se wil kan hoor, vertrou en uitleef.

Gebed verander nie altyd wat rondom my gebeur nie; gebed verander wat binne-in my gebeur.

Asem met God – en asem binne jouself.

LAAT U KONINKRYK KOM

“As God koning is in ons lewe... sal ons reg lewe en die vrede en die blydschap vertoon wat die Heilige Gees in ons bewerk.”

Romeine 14:17 NLV

Dit gaan nie oor **my koninkryk** nie. Dit gaan oor **God se koninkryk**.

Jesus leer ons:

Ons Vader. Laat U naam geheilig word. Laat U koninkryk kom. Laat U wil geskied.

Gebed begin met **verhouding** voordat dit met versoeke begin.

Laat hier gebeur wat U in die hemel beplan het.

Ons bring nie die hemel deur ons eie krag aarde toe nie. **Ons word deel van wat God reeds doen.**

Wat ek doen, maak saak.

MY WIL

GEBED IS OM GOD TE RAADPLEEG

Wat staan dikwels in die pad van God se wil?

My wil.

Ons vertel God maklik wat ons reeds besluit het:

“Here, dit is wat ek dink moet gebeur.”

“Dit is wat ek nodig het.”

“Dit is hoe U hierdie probleem moet oplos.”

Maar gebed skuif wanneer ek nie net vra:

“Here, wat wil U vir my doen?”

nie, maar:

“Here, wat wil U hê?”

Gebed is nie om God te oortuig om my plan te seën nie.

Gebed is om my hart oop te maak vir God se plan.

Ek hoef nie die volgende tien jaar te verstaan nie.

God vra dikwels nie die hele pad nie – net die volgende tree.

“God, ek is hier. U is hier. Wat nou?”

EK WEET NIE

Soms weet ek nie wat om te bid nie.

Ek weet nie wat aangaan nie.

Ek weet nie wat om te doen nie.

Ek weet nie watter besluit om te neem nie.

“As een van julle wysheid kortkom, moet hy dit van God bid...”

Jakobus 1:5

Daar is ’n verskil tussen **inligting en wysheid**.

“Die Gees van God help ons ook nog boonop in ons onbeholpenheid. Ons weet immers nie mooi wat en hoe ons moet bid nie...”

Romeine 8:26–27 NLV

My “ek weet nie” kan die begin van gebed wees.

OORGAWE

Jesus bid in Getsemane:

“Nogtans nie my wil nie, maar u wil.”

Dit is nie die gebed van iemand wat opgee nie.

Dit is die gebed van iemand wat vertrou.

Oorgawe beteken:

“Ek vertrou U genoeg om nie te probeer beheer wat net U kan beheer nie.”

Soms beteken “Laat U wil geskied”:

“Here, ek sal U vertrou selfs wanneer U wil anders lyk as my wil.”

TRANSFORMASIE

GEBED VERANDER MY MEER AS WAT DIT MY OMSTANDIGHEDE VERANDER.

Soms verander God die situasie. Ander kere verander Hy **my wat deur die situasie gaan**.

Dieselfde omstandighede kan bestaan, maar ek is nie meer dieselfde mens binne daardie omstandighede nie.

“Here, haal my hieruit.”

En soms antwoord God:

“Ek gaan jou nie noodwendig hieruit haal nie. Ek gaan jou hierdeur dra – en jou verander terwyl jy daardeur gaan.”

Gebed is meer as ’n versoeklys. Gebed vorm my.

BESKIKBAAR

GEBED MAAK MY BESKIKBAAR VIR GOD SE AVONTURE.

Daar is ’n groot verskil tussen:

“God, doen iets.” En “God, wat wil U hê moet ék doen?”

Die eerste kan my passief maak.

Die tweede maak my beskikbaar.

Miskien antwoord God iemand se gebed deur **jou**.

Jou tyd. Jou geld. Jou oproep. Jou vergifnis. Jou diens. Jou bereidwilligheid.

Gebed is soms die plek waar God nie vir my ’n plan gee nie – Hy gee vir my ’n opdrag.

GOD IS HIER

Gebed help my om God se teenwoordigheid in die gewone raak te sien:

in die motor, kantoor, kombuis, 'n gesprek, 'n moeilike verhouding, 'n gewone Maandag.

God is nie net daar wanneer ek bid nie. Wanneer ek bid, begin ek raaksien: Hy is reeds daar.

Ek kyk anders.

Ek luister anders.

Ek reageer anders.

DIE GROOT VERSKUIWING

“God, doen iets.” → “God, wat wil U hê moet ek doen?”

“Here, verander hulle.” → “Here, verander my.”

“Maak die pad maklik.” → “Gee my wysheid vir die pad.”

“Haal my uit.” → “Wat wil U in my doen terwyl ek hier is?”

“Wanneer gaan U kom?” → “Hoe kan ek deel wees van wat U reeds doen?”

ASEM

Wat gebeur wanneer ek bid:

“Laat U koninkryk kom; laat U wil geskied”?

Ek haal asem.

Ek stop.

Ek raadpleeg.

Ek luister.

Ek ontvang wysheid.

Ek gee my wil oor.

Ek vertrou.

En dan...

asem ek uit.

Raadpleeg → Oorgee → Ontvang → Beskikbaar wees → Deelnem.

Gebed is nie net waar ek vir God vertel wat in my lewe aangaan nie; dit is waar ek ontdek wat God in en deur my lewe wil doen.

God is reeds hier.

JA. NEE. WAG. GROEI. GAAN.

Die enigste gebede wat nie geloof kan bou nie, is die gebede wat ons nooit bid nie.

JA – God sê ja en ek sien Hom daarin.

NEE – God sê nee, selfs wanneer ek dit nie verstaan nie.

WAG – God se tydsberekening is nie altyd my tydsberekening nie.

GROEI – God gebruik die wagtyd en die antwoord om my geloof en karakter te vorm.

GAAN – God antwoord met 'n opdrag:

Gaan. Liefhê. Vergewe. Dien. Help. Gee.

Elke keer wanneer ek my hart oopmaak vir **“U koninkryk – U wil”**, word ek gevorm.

Sy koninkryk – Sy manier van doen – word in my gevestig.

DIE KONINKRYK IS DIE PÊREL

“God se koninkryk is ook soos ’n pêrelhandelaar... As hy een baie kosbare pêrel raakloop, gaan verkoop hy alles wat hy het, en koop daardie pêrel.”

Matteus 13:45–46 NLV

Wanneer ek die waarde van die Koninkryk ontdek, verander my verhouding met alles.

Ek hou nie meer vas aan:

my plan, my beheer, my wil, my koninkryk.

Ek gee oor.

En dan ontdek ek:

Wanneer ek my lewe aan God se wil oorgee, verloor ek nie my lewe nie – ek ontdek waarvoor ek dit ontvang het.

ONS VADER

Laat U naam geheilig word.

Laat U koninkryk kom.

Laat U wil geskied.

Bring hemel aarde toe – deur my lewe.

Nie net: **“Here, seën my plan.”**

Maar: **“Here, gebruik my in U plan.”**

ASEM

Ek haal asem.

Ek stop.

Ek raadpleeg.

Ek luister.

Ek gee oor.

Ek ontvang.

Ek gaan.

En so begin die hemel reeds op aarde sigbaar word.